

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0058237 25
Zenica, 24.04.2026. godine

OPĆINSKI SUD U VISOKOM
- Sudiji za *prethodno saslušanje* -
VISOKO

Na osnovu odredbe člana 45. stav 2. tačka i) i odredbe člana 241. stav 1. ZKP-a FBiH,
p o d i ž e m

O P T U Ź N I C U

Protiv,

E. K., osuđivan ,

što je,

dana 29.04.2024. godine, oko 23,50 sati, u V., suprotno odredbama člana 4. stav 1., 2., 3. i 5. u vezi sa članom 19. i 20. Zakona o sprečavanju i suzbijanju zloupotrebe opojnih droga („*Službeni glasnik BiH*“ broj 8/06, 103/08 i 51/11), iako je bio svjestan i znao da se radi o opojnoj drogi, neovlašteno, radi prodaje držao tri pvc paketića sa praškastom materijom bijele boje neto mase 0,252 grama, 0,233 grama, 0,015 grama, za koju materiju je vještačenjem utvrđeno da sadrži psihoaktivnu komponentu amfetamin i predstavlja opojnu drogu „speed“, a koja droga je pod rednim brojem 1. Liste psihotropnih tvari iz tablice II „Tvari i biljke pod strogim nadzorom“ proglašena takvom, a koja mu je pronađena prilikom zaustavljanja i kontrole pmv ..., kojim je u tom trenutku upravljao H. H., dok se on nalazio na mjestu suvozača, koju opojnu drogu je policijskim službenicima ... dobrovoljno predao o čemu mu je izdata potvrda o privremenom oduzimanju predmeta broj ...od 29.04.2024. godine,

dakle, radi prodaje držao opojnu drogu,

čime je počinio krivično djelo neovlaštena proizvodnja i stavljanje u promet opojnih droga iz člana 238. stav 1. KZ F BiH.